

ARUBA HI-WINDS A MUDA DI SITIO



ORANJESTAD(AAN)-- E aña aki Aruba Hi-Winds Pro-Am 1993 lo bay ta di siete aña cu ta worde teni aki na Aruba.

Durante un conferencia di prensa teni recientemente den Desires Cocktail Lounge na Sonesta Hotel Beach Club and Casino comision di Aruba Hi-Winds Pro-Am a duna un relato completo loke lo bay pasa e aña aki riba beach.

manera ya informa den pasado, e gran evento aki tabata tumando lugar riba e Beach di Eagle, pero e aña aki a move pa e casitanan di pescadonan y cu ta conoci awendia den boca di pueblo como Fishermen's Hut.

E competencianan lo tuma lugar for di dia 28 di Mei pa 6 di Juni 1993 manera ya menciona na e sitio di casitanan di piscador panord di Holiday inn Hotel.

E aña aki no ta manera tur aña cu e competencia ta worde gesponser pa un sponser mayor cu tabata Peter Stuyversant.

E aña aki Peter Stuyversant lo no ta sponser di Aruba Hi-Winds mas, debi na e regla cu a worde introduci cual ta prohibi pa promove cualkier marca di sigaria of alcohol den eventonan di windsurfing.

E aña aki atrobe Gobierno di Aruba mayor apoyador di

e evento aki y cu ya e suma di 250 mil Florin a worde aproba.

E presupuesto total di Aruba Hi-Winds 1993 a ser calcula na 313 mil Florin.

otro ayudo grandi a ser ricibi for di Air Aruba cu lo yuda cu e suma di 35 mil dollar.

Durante e atardi di conferencia di prensa sr. Richard Hein di Air Aruba a haci e donacion na e fundacion Aruba Hi-Winds.

Loke ta trata e premionan e aña aki e fundacion a dicidi di baha tur e premionan envolvi for di 175 mil dollar te na 60 mil dollar y esaki ta permiti e fundacion na inverti un suma di casi 80 mil dollar na promocion di Aruba y e evento aki.

Loke a bini nobo riba e programa e aña aki ta un triathlon entre atletanan bao auspicio di Idefre cu lo encarga cu e organisacion di esaki.

E triathlon lo tuma lugar dia

6 di Juni cu lo bay consisti di landamento di un kilometer, competencia na pia di 5 kilometer y un competencia di bicicleta di 20 kilometer cu lo pasa na e costa pa noord di nos isla.

Manera tur aña tambe lo bay tin varios actividad riba beach na e casitanan di piscador.

Riba foto por mira momento cu sr. Richard Hein (Marketing di Air Aruba) haciendo entrega di e cheque na Hans Schaling den presencia di e fundacion Aruba Hi-Winds 1993 consisti di Rodney Croes, Antoinette Waldron, Ruben Croes y Anthony Blok.